

## PRM: John Mathis Utsi almmuha cd “Luohti vuolgá”

**-Dainna almmuhemiin čájeha John Mathis Utsi árbevirolaš luođi alimus dási. Sus lea hárvanaš musikalitehta, ja lea áibbas sierra dásis ovdanbuktimis ja gaskkusteamis. Son juoigá dego meaštir ja herve mohkiiguin maidda gáibiduvvo duohta čehppodat, dadjá buvttadeaddji Johan Sara jr.**

John Mathis Utsi lea bajásšaddan juoigalas bearrašis ja sogain mat begget juoigančehppodagain. John Mathis Utsi juoiganmálla ii leat šat dábálaš ja ovddasta dan dološ juoigama, seammás go dat geasuha ođđa beljiid. ležas čielga, deavis ja vuogas jienain láide son árbevirolaš luohtái.

Skearrus juoigá Finnmárkku siseatnan olbmuid, soames luođi lea ieš bidjan. Luđiin Hoanjkabealjit viggá čilget man vällje eallima boazovázzin, vaikko dat ii leat nu álkis eallin. -Háliidin juoigat nuorra olbmuid, vai čájehuvvo ahte ain lea ealli árbevierru juoigat olbmuid. CDs lea maid ráhkisvuodaduodaštus mainna bargaen olu ovdal duhten, dadjá John Mathis.

Su mielas lei studiojuoigan hástaleaddji, daningo dábálaččat juoigá go lea miella ja man fuobmá. Dál lea juohke luđiin bargaen mángga diimmu. -Lean duhtavaš bohtosiin, muhto mus leat mángga luođi maid dajahusat eai vel ollašuvvan. Dajahusaid lea stellemuš, dadjá juoigi John Mathis Utsi.

-Son lea nai juoigan moadde dološ luođi, maid hálddaša ollásit. Son lea duohta juoigi geainna leat hui rámis. Buktagis leat 18 luođi ja mii illudit almmuhit skearru “Luohti vuolgá” mas lea nanu jietna ja klassihkalaš, árbevirolaš luđiid málla. Bohtosiin leat hui rámis, dadjá buvttadeaddji.

### Biografiija:

John Mathis Utsi lea Kárášjohkalaš riegádan jagi 1979. Son lea vuoitán Sámi Grand Prix goappaš háve go lea oasálasten. Jagi 2004 vuittii luđiin “Issát Ánte” ja jagi 2010 luđiin “Rásttoš Jovvna”.

Juoigan: John Mathis Utsi  
Buvttadeaddji, jietna ja mix: Johan Sara jr.  
Cover/govva: Susanne Hætta  
Mastering: Audun Strype

STI15 CD All rights reserved © & P 2019 STIERDNA, pb 95,N-9525 Máze  
[www.stierdna.com](http://www.stierdna.com)      [johansara@gmail.com](mailto:johansara@gmail.com)      Stierdna RLabel /Facebook

[www.musikkoperatorene.no](http://www.musikkoperatorene.no)

Artist kontakt: +47 951 75 908      [jmutsi22@gmail.com](mailto:jmutsi22@gmail.com)

Johan Sara jr. +47 97618383

